



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDLXV.

urn:nbn:de:hbz:466:1-42840

Sabbati dies, magnus, & sanctus fuit: quippe qui ut se B. Virginis seruum probaret, aliosque tam bonæ Dominæ seruos adduceret, illam nouis semper & nouis laudibus, id est gloriâ & honore inter mortales quanto poterat maximo, coronabat.

ANNO MDLXV.

166 Hoc anno 14. Kalend. Febr. Romæ decessit

Pro B.V. honore petorare

Immaculatae Conceptioni honoranda studeat.

Oras. i. in Present.

In vigilia festi Immaculatae Conceptionis ieiunare. Hom. PP. 1. 4. Glossa in Natiu. B. V.

P. Iacobus Lainez Præpositus Generalis, facundus ille ac doctus in Concilio Tridentino pro Immaculata Conceptione per tres ipsas, ut aiunt, horas orator; tamen alias ager à febre. Dixit ille pro illo mysterio in illius comitij corona magno sensu, magno authoritatum è sanctissimorum Patrum vi haustarum ac rationum pondere. Et sacra illa synodus, Sixti IV. constitutiones de illo mysterio seruandas esse præscripsit, testata, non esse suæ intentionis eo decreto, quod de originis peccato tulerat, beatam & Immaculatam DEI Genitricem comprehendere. Quæ res magnoperè facit ad solidum pietatis erga Deiparam firmamentum. Et profectò regula cultus Deiparæ debet esse illa quam Sanctorum & Ecclesiæ authoritas, & ratio illis consentiens præscribit. Quippe rationabile debet esse obsequium nostrum, quo DEVM, quo DEI Matrem colimus; quam S. Germanus Patriarcha vocat DEO dicat *rationabilissimum altare sacro hostiæ*.

167 Aiunt ij qui P. Iacobi Lainij temporibus interfuere, illum agris compluribus opem illo consilio attulisse, quo illis in vigilia festi Immaculatae DEI Matris preces ac ieiunium persuadebat sacrificio quoque de illa procurato; aut aliâ orationem piâ religiosâ pietatis industriâ: *Maria liber apotheca gratiæ, in qua omnis anima quod necesse est inueniat.* Sermo

168 Bazaini in India Orientali Brachmanum nobilissimus (à cuius lotis pedibus sordida aqua pro sacra bibebatur) CHRISTO nomen dedit, fidemque, inquit Sacchinus. paulò post valetudinarius ad Collegium, vt potuit, egit se, aquam Iustalem postulans. Diuinæ Matris instinctu id eum egisse vide in Sacchino. Quocirca nonnullis de Societate istud etiam stimulo, fuit ad crebrum & piunt aquæ Iustalis vsus, quæ ferè diebus Sabbati noua quothebdomadis in cubiculum cuiusvis solet affèri. Amemus illam etiam ex hoc capite, id est, tanquam rem etiam à DEI Matre allatam, & commendatam; eiusdemque Virginis opem imploremus ad sanctum huius aquæ sanctæ vsus, omnemque illam efficacitatem consequendam, quam illa ab Ecclesiæ precibus solet accipere, ita vt multi admirabiliter ac vtiliter consecuti sunt, consequendam ipsâ Virgine adiutrice. Ita ibidem Bazaini ædes Beata Virgini adiutrici posita est: quam primam, extra urbem, illa in ora Deipara edem habuit. Hæc est illa quæ est aqueductus aque illius viuæ, salientis in vitam æternam: aut, vt Bernardi verbis dicam; *Aque ductus ille plenitudinem fontis ipsius de corde Patris exsiciens.*

ANNO MDLXVI.

169 In Iaponia milites Christiani à Societate instructi, vt IESV & MARIA nomina inuocarent, constantiâ singulari enituerè in prælio; neque illorum quisquam est læsus. vnde caelestium illorum nominũ reuerentia apud ipsos, apud Ethnicos verò timor, increuit. Hæc est Regina militiæ caelestis: *Per te, inquam Menæa Græcorum, Reges Christiani accinguntur ad bellum.*

Num. 136

Serm. in
Nat. B. V.
de aquad.

Sacch. nu.
127.
Militibus
nomina
Iesu, &
Mariæ co
lenda
suadere.
Piet. Mar.
Græc. 148.
401.